

REFERAT MIA - Meeqqanut Ilaqutariinnullu Ataatsimiititaq d. 09-12-2021

Møtedato Torsdag d. 09. december 2021 kl. 18:00

Møtested Kommunalbestyrelse's ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Nuummi Pitsaaliuinnermut Ataatsimiititami siulittaasumik pulaartoqarneq.....	6
Tasiilami aaqqissuussaaneq.....	8
2022-mi politikikkut ataatsimiiffissat.....	11
Meeqqanut Ilaqutariinnullu Ataatsimiititap angalanera pillugu nalunaarusiaq.....	13
Lukket.....	15
Taasariaqartut allat.....	16
Imaqarniliap akuerineqarnera.....	17

Punkt .: Saqqaa

Ilaasortat:

Avaaraq S. Olsen (IA) siulittaasoq
Naya-Sophia Lyberth (IA) siulittaasup tullia
Mia Skifte Lynge (IA)
Harald Bianco (IA)
Laura Taunâjik Uitsatikitseq (S)

Beslutning

Ataatsimeeqataasut:

Avaaraq S. Olsen (IA)
Naya-Sophia Lyberth (IA)
Mia Skifte Lynge (IA)

Oqarasuaatikkut:

Harald Bianco (IA)
Laura Taunâjik Uitsatikitseq (S)

Punkt .: Oqaluserisassat akuerineqarnerat

Beslutning

Oqaluserisassat akuersissutigineqarput.

Punkt .: Nalunaarutit

Siulittaasumiit nalunaarutit

Ingerlatsivimmiit nalunaarutit

Beslutning

Siulittaasumiit nalunaarutit:

Siulittaasup Martha Abelsen tikilluaquaa.

Ingerlatsivimmiit nalunaarutit:

Pisortap suliassani iserfigilluarpai.

Nummi ingerlatsiviup immikkoortortaanut assigiinngitsunut pulaartuereernerup kingornagut, tusagassiuutit aqutigalugit ingerlatsiviup meeqqanut ilaqtariinnullu tunngasunik annertuunik suliassaqrnera ersarissarneqassaaq.

Sarfaaruttoortarnernut atatillugu taamatut pisoqaqqissagaluarpat sillimanissaq ingerlatsiviup ilikkarfigaa.

Pisortaq neriuppoq piffissami qaninnermi Tasiilaq tikikkumaaritsik, Tunumilu ingerlatsiviup immikkoortortaqarfii alakkarlugit.

Punkt 1: Nuummi Pitsaaliuinermut Ataatsimiititami siulittaasumik pulaartoqarneq

Beslutning

Ilisimatitsissut tusaatissatut tiguneqarpoq.



Nuummi Pitsaaliuinnermut Ataatsimiititami siulittaasumik pulaartoqarneq

Ilisimatitsissut

SagsID: EMN-2021-15266

Meeqqanut Ilaqutariinnullu Ingerlatsivik - pisortaq Martha Abelsen / MRLB

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititami inassuteqaatigaa:

- Pitsaaliuinnermut Ataatsimiititami siulittaasumit nalunaarut tusaatissatut tiguneqassasoq

Suliassamik saqqummiussineq

Ataatsimiititap 2021-mi septembarip 9-anni ataatsimiinnerani oqaluuserisassat ukuupput: "Kommuneqarfik Sermersuumi illoqarfinni Pitsaaliuinnermut Ataatsimiititap atuuffii pillugit ilisimatitsissut".

Immikkoortoq taanna nangillugu Nuummi Pitsaaliuinnermut Ataatsimiititami siulittaasup Jesper Olesenip neqeroorutigini kuuaa, Nuummi Pitsaaliuinnermut Ataatsimiititami sulinerat pillugu Meeqqanut Ilaqutariinnullu Ataatsimiititami saqqummiunniarlugu.

Ataatsimiititamiittut aggersaanermut qujapput, tamannalu pillugu una oqaluuserisassani ilanngunneqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataallit

- Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001-imeersoq
- Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigit sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq, § 5.

Ilanngussaq

Soqanngilaq.

Punkt 2: Tasiilami aaqqissuussaaneq

Beslutning

Ilisimatitsissut tusaatissatut tiguneqarpoq.

Tasiilami aaqqissuussaaneq

Tasiilami najukkami tunngavilimmik aqutsisoqarnissaanik siusinnerusukkut aalajangikkap piviusunngortinniarneqarnera ajornakusoorpoq

Ilisimatitsissut

SagsID.: EMN-2021-15156

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ataatsimiititap aggustip 8-ni ataatsimiinnerani immikkoortoq "Tasiilami Meeqqanut ilaqutariinnullu tunngasuni najukkami tunngavilimmik aqutsisoqarneq" oqaluuserineqarlunilu akuersissutigineqarpoq.

Tasiilami ingerlatsivimmi aaqqissuusseqqinnissaq siunnersuutip imaraa. Tassunga immikkoortoqarfiiit annikinnerusut immikkoortiterneqarnissaat ilanngullugu imaalillugu, BFA-mi - Meeqqanut Ilaqutariinnullu Immikkoortoqarfimmi immikkoortumi aqutsisumik atorfinitsitsisoqarluni (Oqartussaqaarfik) aamma BFC-mi - Meeqqanut Ilaqutariinnullu Sullissivimmi (suliniutit) immikkoortumi aqutsisumik atorfinitsitsisoqarluni.

Sulinermi siunnersuutip "Tasiilami Meeqqanut ilaqutariinnullu tunngasuni najukkami tunngavilimmik aqutsisoqarneq" kingunerisaanik, fagchefiniit qummut aalajangiisarnerit tamarmik maannakut, piginnaatitsinermut pilersaarut malillugu, Nuummumt nuunneqarput. Tamanna siunertaasimanngilaq. Kisianni suliniut qaammatini sisamani ingerlanneqarniarmat taamaattussaavoq. Tassa imaappoq, pinartoqartillugu inissiisarnerit, angajoqqaarsiaanissamat akuersissutit atorunnaarsinneqarneri, inissiivissatut aalajangiinerit il.il. Tasiilami najukkami aalajangiiffigineqarsinnaanngillat. Tamanna pitsaassutsimut, sullissinerup sivisussusaannut aamma najukkami tunngavilimmik aqutsinissamat iluaqutaanngilaq.

Meeqqanut Ilaqutariinnullu Ingerlatsivik "Tasiilami Meeqqanut ilaqutariinnullu tunngasuni najukkami tunngavilimmik aqutsisoqarneq" tunngavigalugu Tasiilami najukkami tunngavilimmik aqutsisoqarneq siunertaralugu fagcheffitut atorfirmik pilersitsissaaq. Aalajangersimasumik fagcheffitut atorfinitsitsisoqarsinnaanissaata tungaanut qaammatini pingasuni suliamut tunngatillugu siunnersortimik, suliatigut aalajangiinissamat tapersersuisinnaasumik, atorfinitsitsisoqassaaq. Tamatuma kingorna Meeqqanut Ilaqutariinnullu tunngasunut najukkami tunngavilimmik aqutsisoqarneq qulakkeerniarlugu fagchefimik atorfinitsitsisoqarnissaa naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit killiliussat pioreersut iluanni allannguisoqarsinnaanera nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitallit

- Ataatsimiititap aalajangenera 9. aggusti 2021-meersoq "Tasiilami Meeqqanut ilaqtariinnullu tunngasuni najukkami tunngavilimmik aqutsisoqarneq"

Ilangussaq
Soqanngilaq.

Punkt 3: 2022-mi politikkikkut ataatsimiiffissat

Beslutning

Inassuteqaat akuersissutigineqarpoq.

Bilag

2022-mi politikkikkut ataatsimiiffissatut siunnersuut siulleq

2022-mi politikikkut ataatsimiiffissat

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Meeqqanut Ilaqutariinnullu Ataatsimiititami inassuteqaatiga:

- ataatsimiititap 2022-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqarnissaannut kommunalbestyrelse pisussaavoq."

Siunnersuutigineqarpoq, Meeqqanut Ilaqutariinnullu Ataatsimiititami ataatsimiittarneri sisamangornikkut nal. 14.00 ingerlanneqartassapput. 2022-mi nalinginnaasumik ataatsimiinnerit 8-t ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikikkut ataatsimiiffissat Naalakkersuisunut nassiunneqassapput.

Ingerlatsiviup aningaasaqarnikkut sulisutigullu naliliinera

Politikkikkut ataatsimiinnerit missingersuutini taakkununga aningaasaliissutigineqartuni aalajangersakkat malillugit ingerlanneqassapput, taakkununga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Siusinnerusukkat aalajangernerit

Meeqqanut Ilaqutariinnullu Ataatsimiititaq, 28.10.21:

Inassuteqaat itigartitsissutigineqarpoq imatut oqaaseqaatitalerlugu: nalinginnaasumik ataatsimiinnerit sisamangornikkut marlunut ingerlatiinnarneqarnissaat ataatsimiititami kissaatigineqarpoq.

Ilanngussat

1. 2022-mi politikikkut ataatsimiiffissatut siunnersuut siulleq

Punkt 4: Meeqqanut Ilaqutariinnullu Ataatsimiititap angalanera pillugu nalunaarusiaq

Beslutning

Inassuteqaat akuersissutigineqarpoq.

Bilag

Angalaneq pillugu nalunaarusiaq

Meeqqanut Ilaqutariinnullu Ataatsimiititap angalanera pillugu nalunaarussiaq

Nuuk, oktobari 2021

Aalajangiiffigisassaq

SagsID: EMN-2021-16506

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Meeqqanut Ilaqutariinnullu Ataatsimiititamut innersuussutigaa:

- angalanermit nalunaarussiaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititaliamut ilisimatitsissutitut ingerlateqqinneqassasoq

Suliassamik saqqummiussineq

Meeqqanut Ilaqutariinnullu Ataatsimiititaq 2021-mi ullut 6. aamma 7. oktobari Nuummut angalavoq. Angalanermit siunertaavoq, Kommuneqarfik Sermersuup Nuummi suliffeqarfiutaanut pulaarnissaq, tassa pitsaaliuinermit katsorsaanerimullu tunngasunik suliaqarfinnut, Meeqqanut Ilaqutariinnullu Ataatsimiititap akisussaaffeqarfiini suliniutit unammilleruminaatsullu pillugit paasissutissiivigineqarlutik.

Meeqqanut Ilaqutariinnullu Ataatsimiititamiit peqataapput, Avaaraq S Olsen (siulittaasoq), Naya-Sophia Lyberth (ilaasortaq), Mia Skifte Lynge (ilaasortaq).

Meeqqanut Ilaqutariinnullu Ingerlatsivimmiit peqataapput, Martha Lund Olsen (Meeqqanut Ilaqutariinnullu Ingerlatsivimmi pisortaq) aamma Ellen Magnussen (Meeqqanut Ilaqutariinnullu ikiorsiissuteqartarnermut immikkoortortami fagchefi). Allaffeqarfimmit Pernille Ødegaard (ataatsimiititap allattaa) aammattaaq peqataavoq.

Ataatsimiititaq Nuummi suliffeqarfinnut assigiinngitsunut pulaarpoq, taakkunanilu saqqummiivigineqarluni.

Meeqqanut Ilaqutariinnullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2021-mi ataatsimiititap angalanissaanut 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitallit

- o Ataatsimiititap suleriaasia

Ilanngussaq

1. Angalaneq pillugu nalunaarussiaq

Punkt 5: Lukket

Punkt .: Taasariaqartut allat

Beslutning

Ataatsimiititaq ukiumut qaangiutilersumut qujassuteqarpoq aammalu ataatsimiititami allaffeqarfimmilu suleqatigiilluarsimanermit qujassuteqarluni. Juullimi Ukiortaassamilu Pilluaritsi.

Punkt .: Imaqarniliap akuerineqarnera

Beslutning

Imaqarniliaq akuersitutigineqarpoq nal. 15:10